

# Фикҳ дарслари (142-дарс). Эй Сулайк, туриб, икки ракат намоз ўқиб ол!



18:00 / 24.06.2021 2761

لُؤْسَرَوَّةٌ مُّجَلِّدٌ مَّوِيٌّ يَنْفَطَعُ لِكَيْلِ سَاجِدٍ لِقَوْلِهِ لَوْلَا دُبْعُ نُبْرِ رَجَائِ نَعْمُ  
مُقْ كَيْلِ سَاجِدٍ أَيُّ «هُوَ لِقَوْلِهِ سَلِّحْ بَطْحِي مَلَسُوهُ لِي لَوْلَا لِي لَوْلَا  
عَمَّةٌ مُّجَلِّدٌ مَّوِيٌّ مُّكْذَحٌ أَسَاجِدِ إِذِ» لِقَوْلِهِ «أَمَّهِي فِ زَوْجَتِي وَنَيْتِي كَرَعٌ كَرَفِ  
هُوَ سَمَّ حَلِّ أَوَّ». «أَمَّهِي فِ زَوْجَتِي لَوْلَا نَيْتِي كَرَعٌ كَرَفِ بَطْحِي مُّامِلِ أَوَّ

Жобир ибн Абдуллоҳ розияллоҳу анҳудан ривоят қилинади:

«Жума куни Расулуллоҳ соллаллоҳу алайҳи васаллам хутба қилиб турганларида Сулайк ал Ғатафоний келиб ўтирди. Бас, у зот:

«Эй Сулайк, туриб, икки ракат намоз ўқиб ол. Уларни енгил қил, - дедилар. Сўнгра эса: - Қачон бирортангиз жума куни имом хутба қилиб турганда келса, икки ракат намоз ўқиб олсин ва уларни енгил қилсин», дедилар».

Бешовлари ривоят қилишган.

Бу ривоятни уламолар икки хил таъвил қилганлар.

Баъзилари: «Бу намоз жуманинг фарзидан олдинги суннат», десалар, бошқалари: «Бу намоз таҳийёти масжид намозидир», деганлар.

Шу билан бирга, айтиб ўтиш лозим бўлган нарсалар ҳам бор. Ҳанафий мазҳабида имом минбарга чиққанидан кейин намоз ўқиш ҳаром. У хутбани бошлаганда эса саломга алик олиш, акса урганга яхши тилак айтиш, Қуръон ўқиш ва шунга ўхшаган нарсалар ҳам мутлақо мумкин бўлмайди.

Ҳанафийлар бу ҳадисни Пайғамбар алайҳиссалом ҳалиги одамни намоз ўқишга амр қилиб, ўзлари хутбадан тўхтаб турганлари билан изоҳлайдилар.

***«Кифоя» китобининг биринчи жузи асосида тайёрланди***